



TIL POLITIKARANE PÅ OSTERØY

Viser til rådmannens forslag til budsjett for 2021 der det blir gjort drastiske tiltak for å forsøke å nå balanse i budsjettet. Deriblant er forslaget om å leggje ned 5.-7. klassetrinn ved Haus skule.

På vegne av styret i Hausvik fotballklubb vil eg med dette brevet forøke å belyse kva ringveknader og konsekvensar dette kan kome til å få for bygda og då også for fotballklubben.

Styret i Hausvik fotballklubb har stor forståing for det vanskelege arbeidet som politikarane no skal til med og me skjønar at denne kampen ikkje berre kan ha vinnarar. Det me derimot fryktar er at politikarane skal ta avjerder som fører til at me til slutt berre sitt igjen med taparar.

Ei nedlegging av ein skule, eller ei delvis nedlegging som er tilfelle i denne saka, vil påføre ei bygd store konsekvensar som på lang sikt vil kunne føre til store ringverknader. Ein av desse ringverknadane vil omhandle fritidstilbod i bygda. Me i Hausvik fotballklubb har prøvd å sjå for korleis ei nedlegging av skulen vil påverke klubben og me har prøvd å sjå for oss kvar klubben er nokre år fram i tid. Som fritidstilbod i bygda Haus er Hausvik den klubben/laget som aktiviserar flest unge i barne- og ungdomstida. Likevel er det kvart år ei stor utfordring å sette saman fotballlag i dei forskjellige årsklassane slik at flest mulig kan få tilbod om å spele fotball. Enkelte lag består av spelarar frå inntil 3 forskjellige årsklassar, me har måtta søkt Norges Fotballforbund om dispensasjonar og me har måtta innsjå at me ikkje alltid klarar å gje eit godt tilbod til alle. Likevel har me klart å organisera lag som vinn serien utan å tape ein einaste kamp (Jenter 14), me har gutelag som har vunne Eidfjord cup og me har eit seniorlag som dei to sist spelte sesongane har rykka opp frå 7. til 5. divisjon. Dette i hovedsak med lokale spelarar og trenarar. Klubben har med andre ord hatt ei sær positiv sportsleg utvikling.

Korleis vil då ei eventuell skulenedlegging ramme Hausvik fotballkubb?

Den konsekvensen me truleg vil sjå raskast er at me mister spelarar til andre lag på Osterøy. Erfaring tilseier at nå barn/ungdom etablerer vener i andre bygder melder dei oftare overgang til andre klubbar/fritidsaktivitetar. Når ein driv med lagidrett får dette ofte konsekvensar for dei som er igjen. Dette er oftast i form av at laget blir påverka sportsleg, men for Hausvik fotballklubb sin del kan dette også føre til at me ikkje klarar å stille lag. Noko som igjen fører til at barn/ungdom mister sitt fritidstilbod.

Det har skjedd tidlegare i klubbens historie at lag har gått i oppløysing og me ser at me har «mista» omtrent heile årskull grunna at me er så avhengig av å ha alle bygdas spelarar tilgjengelig.

Ein meir langsiktig konsekvens me truleg vil sjå er at det med dårlegare skuletilbod vil bli mindre attraktivt å bu i bygda. Tilflytting vil truleg stagnere og fråflytting vil auke. Med dette vil også klubben «blø» spelarar.

Styret i Hausvik fryktar at klubben i framtida vil få større vanskar med å gje barn og undom eit tilfredstillande fritidstilbod dersom de politikarar avgjer å delvis leggja ned Haus skule.

Vår oppmoding er at de tenkjer dykk godt om og analyserer kva ringverknader ei skulenedlegging vil ha over tid. Pengar spart i 2021 kan vise seg å bli kostbart i åra framover.

For styret i Hausvik Fotballklubb


Sveinung Mjelde

Leiar